



Te aurapaàuraa pape viivii i Punaauia



Te rapaàuraa pape viivii : e hopojà na te tāātoāraa



E aha e tautoo ai no te aua

► No te aha e rapaàu ai i tā tatou mau pape viivii ?

E piti aratairaa i tāpēahia mai no te rapaàuraa i te mau pape viivii :

Te àtuàturaa i te mau tairoto i mua noa iho i te mau pū faariiraa manihini :



No te mea ua tui te roo o Tahiti e tō tatou mau motu ei fenua faahiahia no te faariiraa manihini, ua riro te àtuàturaa i te tairoto èi tautooraa no te faahoturaa i te fenua no te ui tau. Inaha, ia faaherehere tatou i tā tatou mau faufaa, tē tautoo atoà ra iā tatou no te faaravairaa faufaa e te oraraa totiare i Porinetia farani nei.

Te rapaàuraa pape viivii na te mau vāhi ua rahi te mau haaraa ā te taata



No te mea e rave rahi mau haaraa ā te taata i teie mau vāhi e no te mea tē vai ra te puna pape i reira, mea faufaa roa e faanaho i te aurapaàuraa pape viivii, èiaha hoi te viivii ia haafifi i te ea ò te taata.

No hea mai te ôpuaraa ?

Mea faufaa roa no te faatereraa o Porinetia farani te huru nuuraa o te oraraa o te totaie te maòhi. No reira, ua faairi o ia i te parururaa o te aru èi àveià faufaa roa no tā na porotita e ua faanaho i te mau paturaa e au no te tinai-pāpū-raa i te mau viivii.

► Mau tautooraa huru rau no ànanahi :

Ua maraa maitai te òire no Punaauia e ua haapaò māite o ia i teie na aratairaa e piti. No reira, o ia te òire mātāmua nō Tahiti i fānaò i te mau paturaa no te aurapaàuraa pape viivii.

Teie te mau fā mātāmua roa no teie faanahoraa :

E pāuru i te ea ò te nunaa, na roto i te arairaa i te mau fifi e tupu mai no te òreraa te taata e patu e e àtuātu maitai i tā ratou mau faaruèraa pape viivii



E imi i te raveà ia mā atu ā te mau pape hopuraa na taata no te haamaraa i te faariiraa manihini,



E àtuātu i te mau puna pape na roto i te arairaa i te mau viivii



E faaòhie i te faahoturaa ò te òire, ma te òre e faataupupu i te mau ôpuaraa āpī e haamauhia (paturaa fare àore rā te tahi atu).



paàuraa pape viivii i Punaauia ?

► E aha te rapaàuraa pape viivii ?

O te òhiraa ìa i te mau pape viivii ā te mau ùtuafare e te faatororaa atu i te pū rapaàuraa. I reira, e haamāàrohia te pape viivii, hou a faaruèhia ai i roto i te moana, èiaha hoi te aru ia viivii-rii-noa aè.


Mea ino te mau pape viivii no te aru e no te taata. E piti huru pape viivii :



- te mau pape i faaòhipahia no te tunuraa mää, te horoiraa rima, te hapuraa pape e te vai atu
- te mau pape i faaòhipahia no te haumitiraa.



No te mea e faaruè te mau ùtuafare tätai tahi i te pape viivii, mea tià roa ia vai ara noa te taata tätai tahi e ia ìmi i te raveà no te rapaàui i tā na mau pape viivii.



Ua ìte anei tatou ?

Te aurapaàuraa pape viivii, o te puòiraa ìa i te hoè fare, te hoè faretoa e àore rā te hoè taiete i nià i te àuri òhiraa pape viivii huiraatira.

Areà, te rapaàuraa pape viivii ā te mau ùtuafare tätai tahi, àita ìa i puòihia i nià i te àuri òhiraa pape viivii huiraatira. O te āpoo faaruèraa pape ìa e te āpoo vairaa para ā te mau ùtuafare tätai tahi.

Te rapaàuraa i te mau pape viivii

► Te rapaàuraa pape viivii


Hoê pu no te rapaàuu i te viivii

Ua patuhia te pū rapaàuraa no te faito e 7 000 metera âfata i te mahana tātai tahi, e tae roa i te faito 14 000 metera âfata i te mahana tātai tahi.


Ia rapaàuhia te pape viivii, e roaà i te faaiti i te mau para i te faito e 70 %.

Tuhaa 1 e tae atu i te 5 :
rapaàuraa i te pape


Te faaòre



faaòreraa i te hauà



TAAÈ NO TE FAATAAÈ I E PAPE E TE MAU PARA



Te faaruèraa i te mau pape i rapaàuhia

Mea na poto i te hoê àuri faaruèraa pape e faaruèhia ai te pape i rapaàuhia i poto i te moana.

No te mea mea rapaàu-maitai-hia te mau pape viivii e no te mea ua tāmuhia te àuri faaruèraa pape i te hohonuraa e 56 metera i raro i te moana, èita tā tatou mau haaraa i nia i te tai e faataupupuhia e àita atoà te aru e haaviivihia.



Te rapaàuraa i te mau para : hamaniraa i te pori-fenua



Te mau aratairaa e tano ia haapaohia

► No te tere-maitai-raa o te pū rapaàuraa



Noa atu no hea mai te mau pape viivii e noa atu te huru ō te rapaàuraa :

- Eiaha e faaruè mai i te pape ua (no nià mai i te punu fare, no roto i te âua, e te vai atu), na reira atoà te pape no roto mai i te âpoo pape patuhia e te taata i roto i te àuri òhira pape viivii,
- Eiaha e faaruè i te toeà mää i roto i te punu horoiraa âua, e àore rā te mau pehu ùtuafare (noa atu ua faahuàhuàhia),
- Eiaha e faaruè i te mau hinu i roto i te àuri òhira pape viivii,
- Eiaha e faaruè i te pape o te âpoo faaruèraa pape i roto i te àuri òhira pape viivii (mea faaòre roa teie mau âpoo e àore rā mea faaī)
- Eiaha roa atu èi māhu ìno e àore rā èi māhu ura i roto i te pape
- Eiaha e faaruè i te mau panapana tarià viivii, te mau tāpuru vahine viivii e te vai atu, na reira atoà te mau tāmoro āvae e àore rā te mau ìriri e te tīmā no te paturaa fare e te vai atu.
Te mau mea atoà e riro i te faataupupu i te tere-maitai-raa o te pū rapaàuraa e te haafifi i te feiā rave òhipa

Mai te peu e òhipa tunuraa mää tā tatou, a tāmā mai i tā mau âpoo vairaa para.

► No te tārani i te mau haamāuàraa no te faatereraa i te pū

EIAHA E VAIHO I TE PAPE IA TAHE NOA E E TĀRANI I TĀ TATOU PAPE :

hoē ā faito te pape o tā tatou e faaòhipa e te faito o te pape viivii e rapaàuhia. Rahi noa atu ā te pape o tā tatou e faaòhipa, rahi atoà ia te pape viivii e tiā ia rapaàuhia.

A HIÒPOÀ I TĀ TATOU FAATORORAA ÀURI, EIAHA TE PAPE IA MĀI :

ia mĀi te pape, e nehenehe e raeàhia e 20 % o te pape o tā te hoē ùtuafare e faaòhipahia.

Ua ite anei tatou ?

- la mĀi te pape mai roto mai i te hoē rōpīnē
= 1 ritera pape e te âfa i te hora
- la mĀi te pape mai roto mai i te hoē haumitiraa
= 90 ritera pape i te mahana



Te faito moni o te rapaàuraa

No te rapaàu i te pape viivii, mea titauhia ei paturaa rarahi, èi faufaa moni no te aupuru e te tatāi i te mau paturaa, èi àravehi e èi ìte taaê.

No reira, ia nahonaho te hoê fare i te può i nià i te faatororaa àuri no te aurapaàuraa pape viivii, e faaàufauhia te moni rapaàuraa pape viivii. Maoti te reira e roaa ai e àufau i te mau haamāuraa no te rapaàuraa pape viivii. E numerahia te reira moni i nià i te hoê moni papa e i nià i te rahira pape e faaòhipahia. Mai te peu àita te uāti i tāmauhia, e faaoti mai te pū rapaàuraa i te hoê moni faaautiā.

IA ÌTE MAI TATOU !

Na te ture e faahepo ra ia puòhia tō tatou fare i nià i te faatororaa àuri. Mai te taime a haamatahia ai e faanaho i te rapaàuraa pape viivii, e horoàhia e piti matahiti i te taata no te può mai i nià i te faatororaa àuri. E tāmauhia te tahi āfata puòiraa i te hiti o te āua o te taata. Na te mau fatu fare e àufau i te mau haamāuraa atoà i nià i tō na fenua no te puòiraa mai i nià i te faatororaa àuri.

TE TAIME FAAAUFURAA : e 4 taiòraa uāti i te matahiti

E numerahia ta tatou moni rapaàuraa i nià i tā tatou fāito uāti pape.

E 4 PARAU FAAAUFURAA I TE MATAHITI : e faataehia te parau faaàufuraa moni rapaàuraa pape viivii i te mau toru āvaè atoà.

TE TAIME ÀUFURAA : mea àufau te moni rapaàuraa pape viivii i te mau toru āvaè atoà.

TE TUTE E ÀUFU NO TE PUÒIRAA I NIÀ I TE FAATORORAA ÀURI

Ua tere te pū rapaàuraa pape viivii, àita ā rā tō tatou fare i puòhia atu ra i nià i te faatororaa àuri ?

Ia tae atu te rata haapāpūraa no te faaara ia tatou e nehenehe tatou e faaruè i tā tatou pape viivii i roto i te faatororaa àuri no te aurapaàuraa pape viivii, e àufau tatou i te hoê tute, o ia i tuhahia e piti tuhaa : te moni papa e te moni e numerahia i nià i te fāito pape o tā tatou e faaòhipa.

Nahea e puòì i nià i te faatororaa àuri?

▶ TUHAA 1 TE ANIRAA NO TE HOÊ PUÒIRAA ÂPĪ

E faa'i i te puè parau :

- Âpi parau no te ani i te parau faatià no te faaruèraa i te pape viivii i roto i te faatororaa àuri huiraatira,
- Âpi parau no te ani i te parau faaauraa no te puòiraa mai i nià i te faatororaa àuri,
- Hohoà no te parau tiàraa taata àore rā parau tiàraa taiete (Kbis),
- Hohoà no te parau faturaa fenua,
- Âpi parau no te taniuniuraa fenua,
- Hohoà haapāpūraa i te vāhi o te fare,
- Hohoà no te mau faatororaa àuri pape viivii,
- E faaineine noa atoà i te tāmāuraa i te uāti pape.

▶ TUHAA 2 TE TĀMAUMAUURAA I TĀ TATOU FAATORORAA ÀURI

I te taime a faarii ai o SEM Assainissement des Eaux de Tahiti i tā tatou aniraa, e nehenehe tatou e tāmāumau mai i tā tatou faatororaa àuri i roto i tō tatou āua, no te puòì mai i nià i te āfata puòiraa.

▶ TUHAA 3 IA OTI TĀ TATOU FAATORORAA ÀURI I TE TĀMAUMAUIA

E ani ia SEM Assainissement des Eaux de Tahiti ia haere mai e hiōpōa mai te peu ua tano tā tatou tāmāumauraa i tā tatou faatororaa àuri.

▶ TUHAA 4 TE PARAU FAAAU

No te fānaò i te rapaūraa pape viivii, e tuurima tatou i te hoê parau faaa.

I te taime a puòì mai ai i nià i te faatororaa àuri, e haamatahia e numera te tute mai te taiò mahana a horoàhia ai tā tatou parau haapāpūraa ua tano tā tatou tāmāumauraa àuri.

E faaea tatou i roto i te hoê fare âpĪ ?

Mai te peu ua puòì-aēna-hia te fare i nià i te faatororaa àuri huiraatira, a haafātata mai i te pū òhipa a te SEM Assainissement des Eaux de Tahiti no te tuurima i tā tatou parau faaauraa e no te àufau i te tahi tuhaa moni òmua, e moni hoì e faahoihia atu i te taime tatou e tāpū ai i tā tatou parau faaauraa. Mai te peu àita te fare i puòhia i nià i te faatororaa àuri huiraatira, mea titauhia tatou e faa'i i te puè parau aniraa i te hoê puòiraa âpĪ.

Tē tau i ra tatou i te fare, tē hoo ra i tō tatou fare ?

Mea faahēpohia e tāpū i te parau faaauraa e te SEM Assainissement des Eaux de Tahiti. A rave mai i tā tatou faito uāti e a tāpapa mai i te pū òhipa a te SEM Assainissement des Eaux de Tahiti. Na te mau taata rave òhipa e tāpū i te parau faaauraa. Aita tatou e faa-àufau-faahou-hia mai te mahana a tāpūhia ai tā tatou parau faaauraa. I reira e faahoihia ai tā tatou tuhaa moni òmua.



Niuniu paraparau **40 50 94 50**

Afata rata 130 345 - 98717 Carrefour Punaauia
Tahua mātāmua o te piha tapiriā ā te fare òire no
Punaauia